

THE UNIVERSITY OF CHICAGO

CHICAGO, ILL.

欽定剿平捻匪方略卷六十 己未年

五月初一日 庚午 科爾沁博多勒噶台親王僧格

林沁奏言查盱眙一渡淮北卽可直趨徐邳勝

保駐營定遠盱眙已在其東北傳振邦現在宿

州相距更遠據河南撫臣瑛棨咨稱皖北捻匪

大股由永城竄擾夏邑又有另股由雒河竄擾

碭山並與河南之考睢山東之曹單直隸之東

長等縣毗連傳振邦關保等營皆在其南是粵
匪捻匪兩股北竄並非勝保傳振邦之力所能
堵截臣再四思維賊蹤趨重北路勝保等自南
攻擊恐益重其北竄之勢現在直隸東豫各境
皆無重兵駐紮當與直隸督臣恆福面商據稱
河南之歸德直隸之開州東明長垣等州縣防
兵率不過千餘勢難扼其北竄若復有股匪北

犯兵力尤恐不支急宜扼其竄路應請將調赴
傅振邦軍營之吉林馬隊一千名黑龍江馬隊
一千名趕緊調赴曹州一帶駐紮庶可策應各
路以遏奔突所需統帶大員查有協領德楞額
軍務熟習打仗勇敢而職分較輕未便令其統
帶或卽令傅振邦繞出賊之北面統兵南擊之
處伏候

聖裁應需口糧馬乾等銀應由山東撫臣崇恩寬爲籌備以資接濟奏入

上命軍機大臣傳諭僧格林沁曰粵捻各匪意圖北竄自應厚集兵力藉資扼剿著僧格林沁卽將前派赴傳振邦軍營之吉林馬隊一千名調赴山東卽派協領德楞額統帶前往行抵山東後由崇恩飭令前往曹單一帶相度緩急扼要駐紮並將黑龍江馬隊一

千名派赴傅振邦軍營到營後著傅振邦分撥五百
名前往勝保軍營調遣其管帶此項馬隊著於各協
領內揀派較爲得力者二員管帶南下一俟到營卽
由關保等統帶

上又命軍機大臣傳諭崇恩曰擒匪大股意圖北竄亟
應派兵防剿本日已諭令僧格林沁派撥吉林馬隊
官兵一千名交協領德楞額統帶馳赴曹州一帶駐

紮一切防剿機宜著崇恩隨時調遣並著督飭各路
防兵會合堵剿嚴杜該匪北竄之路毋稍疏懈該官
兵現駐東境所需日糧馬乾等項著崇恩寬爲籌備
以濟兵食

初三日 壬申 瑛榮奏言據護南陽鎮總兵承惠營

總雙全稟稱該鎮等選帶馬步官軍於四日十
六日馳抵歸德探知該匪竄至夏邑後卽入碭

山縣境與前竄碭山之賊分兩路搶掠一股由
蕭碭向東南竄回皖境老巢一股竄往山東滕
嶧交界肆擾復由江南境內回竄東南等情該
鎮等以賊蹤雖去現當二麥將收虞夏等縣民
心未定必藉兵威以資鎮壓承惠當與雙全分
帶馬隊數百名一由商邱至虞城一由夏邑至
虞夏適中之牛王垆等處會哨以靖人心而壯

聲勢現在豫境已無匪蹤因太和等處鄉團與
苗沛霖團練會剿沙河兩岸捻巢恐該匪被擊
旁竄鹿邑邊防緊要該鎮帶隊仍回防所駐紮
堵禦二十五日欽奉

諭旨伊興額原帶之兵無人統領實深廬念臣伏查伊
興額現田鹿邑前赴永城俟副都統關保到後
卽將所帶官兵交其接統臣復咨催關保迅速

來豫統帶各起官兵妥籌進剿以期仰慰

聖廕又據南陽府知府金梁稟稱皖捻竄擾北舞渡後

附近裕州泌陽一帶土匪乘機蠢動查知裕州

所屬小史店地方有捻匪滋擾金梁卽督同地

方官帶勇往捕該匪聞風逃竄追至泌陽境殲

斃多名該匪敗奔大寨山內沿途裹脅三百餘

人於四月十一日竄至桐柏縣屬之雙峯寺盤

踞經該縣知縣會營前往勦捕翻山向西南竄
往湖北棗陽縣境旋折竄隨州所屬之黃山寺
地方金梁督率兵勇會同棗陽隨州官兵四面
兜擊該匪畏懼兵威現已散去大半僅存百餘
人竄入深山伏匿等語查該逆竄伏叢山道途
險阻深恐此擊彼竄復滋蔓延仍飭金梁督率
所屬實力勦捕並咨湖廣督臣湖北撫臣飭屬

聞

一體堵剿務絕根株奏入報

初七日

丙子

傅振邦奏言捻首陸連科竄踞淝河

南岸之板橋集分築二圩以爲犄角之勢臣當

親督大隊與知府苗沛霖參將胡元昌等分路

夾擊斃賊二百餘名生擒七名四月十九日該

逆乘雨在北岸搶築二圩分守二十日派都司

劉蘭馨府經歷年玉田挑選練勇六百名分兩路往攻劉蘭馨首先搶進東圩連斬數賊後隊繼進其時年玉田亦督隊填濠攻入西圩兩圩之賊登時潰亂共斃賊三百餘名餘匪梟水逃過南岸我軍趕搭浮橋乘勢過河紮營四座使賊彼此不能接應復在橋北西圩築立礮臺安放礮向南北兩岸逆圩轟擊斃賊不少

臣又

偵知板橋南有黃家圩一座係陸逆屬圩當令
劉蘭馨先於附近黃圩等處曉以利害圩衆立
時薙髮投誠其板橋圩內被脅良民李華東等
亦願爲內應約期舉事二十五日劉蘭馨帶同
李華東來營密報陸連科先於二十四日夜閒
赴西路勾約藍黑白各旗捻股前來解圍二十
六日夜閒必回請官兵中途截殺趁勢攻圩伊

卽從中內應二十六日臣派劉蘭馨暨縣丞慕
尋芳帶勇二千人爲頭隊都司姚廣武等帶勇
一千五百名爲二隊參將胡元昌等帶兵一千
五百名爲三隊先於板橋西南麥地設伏俟圩
中火起卽時分投攻撲臣督同道員趙連標率
領親軍往來策應是晚遙聞人馬聲自西南來
劉蘭馨慕尋芳爭先邀截賊衆驚潰我軍殺斃

七八十人追至圩根該逆逃過釣橋正在進圩
突見圩內火光四起我軍知內應已集合力攻
進圩內殺賊三百餘名生擒陸連科並該逆母
妻按名緝送當將該圩克復傳諭圩內良民概
予免罪圩內歡聲動地彼時苗沛霖等由北路
回營將南北岸兩賊圩及板橋西南黃家樓賊
圩同時攻破殺賊七八百名並將擒首丁大立